

十五家年譜叢書

第十一函
第十冊



晉
陶
徵
士
丰
譜

陶徵士年譜引用書目

本集

宋刻
黃刻

南宋刻
乾隆吳刻

明刻
道光李刻
康熙

晉書

宋書

南書

晉略

顏光祿集

昭明太子集

昭明文選

山谷集

王觀國學林

容齋隨筆

羅鄂州集

吳草廬集

潛研堂集

張楊園集

慎道堂集

江西通志

采自類書

雲仙雜記

廬山紀略

蓮社高賢傳

陶詩析義

晉陶徵士年譜

江右新城楊希閔鐵傭編

晉哀帝興甯三年乙丑徵士生

徵士陶氏名淵明一名潛字元亮尋陽柴桑人大司馬侃之曾孫祖茂武昌太守父某未仕母孟氏晉征南大將軍

長史嘉女

參晉書宋書本傳

閔案梁昭明太子傳顏延之諫均作陶淵明字元亮晉書宋書南史本傳均作名潛晉書作字元亮宋書南史作字淵明其不一如此今以陶公自言證之孟府君傳稱淵明先親君之弟四女此義當稱名不稱字則蕭顏以爲名淵明者信也他日對檀道濟曰潛也何敢望賢

此亦稱名之證則宋書南史作名潛者亦信也昔人云
在晉名淵明在宋名潛元亮之字則一確無疑義矣

又案山谷宿舊彭澤懷陶令詩云歲晚以字行更始號
元亮淒其望諸葛骭髀猶漢相則似本名潛字淵明後
乃以字行字元亮此亦存備一說

晉帝奕太和元年丙寅二歲

一年丁卯三歲

三年戊辰四歲

四年己巳五歲

五年庚午六歲

晉帝昱咸安元年辛未七歲

二年壬申八歲

晉孝武甯康元年癸酉九歲

二年甲戌十歲

三年乙亥十一歲

太元元年丙子十二歲

是年丁母憂

閔案祭程氏妹文慈妣早失時尙孺嬰我年二六汝才
九齡知在此年

二年丁丑十三歲

三年戊寅十四歲

四年己卯十五歲

五年庚辰十六歲

六年辛巳十七歲

七年壬午十八歲

八年癸未十九歲

九年甲申二十歲

是年悼亡

閔案公怨詩云弱冠逢世阻始室喪其偏偏謂失偶

十年乙酉二十一歲

十一年丙戌二十二歲

十二年丁亥二十三歲

十三年戊子二十四歲

十四年己丑二十五歲

十五年庚寅二十六歲

十六年辛卯二十七歲

十七年壬辰二十八歲

十八年癸巳二十九歲

親老家貧起爲州祭酒不堪吏職少日自解而歸州召爲

主簿不就躬耕自資遂抱羸疾

參史傳

閔案陶公爲州祭酒史無年月集作癸巳從之

十九年甲午三十歲

三十年乙未三十一歲

二十一年丙申三十二歲

晉安帝隆安元年丁酉三十三歲

二年戊戌三十四歲

三年己亥三十五歲

四年庚子三十六歲

是年爲鎮軍參軍移家都下

閱案出爲參軍或在上年未定存疑姑依詩集始作鎮
軍參軍經曲阿詩次此 史及本集陶公參鎮軍軍本
無主名臧榮緒晉書以爲作宋武參軍近周保緒晉略
意陶公必不爲宋武屬謂爲武陵王遵鎮軍參軍攷史
遵無鎮軍之名似未合又有指爲參劉牢之軍者攷劉
爲鎮北將軍去北字謂兵家所忌似強爲之辭亂世史

書紀載斷續書闕有間存疑爲得

五年辛丑三十七歲

是年丁父憂

閱案祭程氏妹文昔在江陵重罹天罰伊我與爾百哀
是切感惟崩號興言泣血此是丁父憂也但未審在江
陵定屬此一歲否或前後皆有在江陵時也旣別無攷
姑系於此

晉安帝元興元年壬寅三十八歲

二年癸卯三十九歲

三年甲辰四十歲

義熙元年乙巳四十一歲

是年三月爲建威參軍八月爲彭澤令十月解官歸初

爲建威參軍謂親朋曰聊欲絃歌以爲三徑之資可乎執

事者聞之以爲彭澤令公田悉令吏種秫稻妻子固請種

粳乃使二頃五十畝種秫五十畝種粳郡遣督郵至縣吏

白應束帶見之潛歎曰我不能爲五斗米折腰向鄉里小

兒卽日解印綬去職賦歸去來辭以遂其志

參南史

在任

送一力給其子書曰汝旦夕之費自給爲難今遣此力助

汝薪水之勞此亦人子也可善遇之

同上

歸去來辭序曰

余家貧耕植不足以自給幼穉盈室瓶無儲粟生生所資

未見其術親故多勸余爲長吏脫然有懷求之靡途會有

四方之事諸侯以惠愛爲德家叔以余貧苦遂見用於小

邑於時風波未

心憚遠役彭澤去家百里公田之利足

以爲酒故便求之及少日眷然有歸與之情何則質任自然非矯厲可得饑凍雖切違已交病嘗從人事皆口腹自役於是悵然慷慨深愧平生之志猶將一稔斂裳宵逝尋程氏妹喪於武昌情在駿奔自免去職仲秋至冬在官八十餘日因事順心命篇曰歸去來兮乙巳歲十一月也

本集

閱案陶公參建威軍史亦無主名周保緒管略謂是劉敬宣攷敬宣去職在前未合或曰朱齡石然又遠在後亦未合且闕疑自免去職據史傳是因不欲束帶見督郵據陶公歸去來序是因奔程氏妹喪蓋二者皆有之陶公不欲自形簡傲言欲奔妹喪於武昌此措辭得

體處也

二年丙午四十二歲

三年丁未四十三歲

四年戊申四十四歲

是年柴桑舊宅既燬移居南村

本集

五年己酉四十五歲

六年庚戌四十六歲

七年辛亥四十七歲

八年壬子四十八歲

九年癸丑四十九歲

十年甲寅五十歲

是年劉遺民爲柴桑令故集中有贈劉柴桑詩 東林寺

釋慧遠集繙素百二十有三人於山西巖下般若精舍結

白蓮社七月彭城劉遺民撰同誓文南陽張銓豫章雷次

宗南陽宗炳雍門周續之南陽張野等與焉其間譽望尤

著爲世推重爲社中十八賢陶公與遠公爲方外交獨不

入社廬山紀略淵明常往來廬山使一門生二兒昇籃輿以

行遠法師與諸賢結蓮社以書招淵明淵明曰若許飲酒

則往許之遂造焉忽攢眉而去蓮社高賢傳當時周續之劉

遺民並遁迹匡山陶公又不應徵命謂之尋陽三隱昭明太子

所作傳

十一年乙卯五十二歲

十二年丙辰五十二歲

十三年丁巳五十三歲

十四年戊午五十四歲

義熙末徵著作可不就

宋書

既絕州郡覲謁其鄉親張野

乃周旋人羊松齡龐遵等或有酒邀之或要之共至酒坐

雖不識主人亦欣然無忤酣醉便反未嘗有所造詣惟至

田舍及廬山游觀而已

晉書本傳

刺史王宏以元熙中臨州

甚欽遲之後自造焉稱疾不見既而語人云我性不狎世

因疢守閒幸非潔志慕聲豈可以王公紆軫爲榮耶宏每

令人候之密知當往廬山乃遣其故人龐通之等齎酒先

於半道要之

酒便引酌野亭欣然忘進宏乃出與